








# 山羊、野狗、同水牛

-  Fabian Wakholi
-  Marleen Visser
-  dohlam
-  Cantonese
-  Level 2



山羊、野狗、同水牛係好朋友嚟㗎。  
有日，佢哋一齊去坐的士。



當佢哋到咗目的地嘅時候，司機叫佢哋交車飛。水牛俾咗自己個份。



野狗冇帶散紙，所以佢就俾多咗少少。



司機正要俾野狗找數，估唔到山羊冇俾錢就走甩咗。





司機好嬲，結果佢冇俾野狗找數就開走咗。




所以，而家呢你可以見到野狗佢見到有車嚟就搏晒命追埋去，因為佢想叫司機俾佢找數。



山羊呢，聽親有車嚟就嚇到趕快逃走，因為佢驚冇交車飛就會俾人捉咗。





但係水牛聽到有車嚟一啲都唔會急。  
佢好定當嘍過馬路，因為佢知道佢已  
經交好晒車飛。



# Storybooks Canada

[storybookscanada.ca](http://storybookscanada.ca)

## 山羊、野狗、同水牛

Written by: Fabian Wakholi

Illustrated by: Marleen Visser

Translated by: dohlam

This story originates from the African Storybook ([africanstorybook.org](http://africanstorybook.org)) and is brought to you by [Storybooks Canada](http://Storybooks Canada) in an effort to provide children's stories in Canada's many languages.



This work is licensed under a Creative Commons  
[Attribution 3.0 International License](http://creativecommons.org/licenses/by/3.0/).